

Comun - Al vëgn recordé che i proprietars de cians y les porsones metüdes a ciarè sura cians é obliá da fistidié che i cians ne vais nia ite tles sperses de vërt publich destinades a parch dai jüc por mituns, plü avisa tl parch dai jüc „Pinis“ a San Martin, tl parch dai jüc tl zënter d'Antermëia, tl parch dai jüc tla zona sportiva a Lungiarü y tl parch dai jüc a Picolin (proibiziun bele en forza dal 2003 – ordinanza dl ombolt nr. 10/2003). Implü vëgn ince düc chi che vá cun cians sön trus da jí a pé invíá da cöie adöm ti sac aposta i escremënc de sü cians.

Al é ince proibí da lascé rodé i cians fora por i pra, deache por gauja di escremënc de cians pó le vaces jeté/perde le videl.

PLOANIES SAN MARTIN Y LUNGIARÜ

La Uniun Èi Val Badia KMB inviëia düc i èi y i jogn ala prozesciun cun linternes o ciandères che vignun dess se tó do en sabeda ai 13 de ma, dales 21.00, da Porsenú a Neustift. I piun ia dal Vinzentinum y jun a Neustift olach'al ganrá zelebré na mëssa cun le vësko Ivo Muser. Al vá ia na coriera aposta che passa a Picolin dala Burcia dales 19.20. I interessá é períá da s'anunzié pro le sura-stant dl paisc o pro Leo Crepaz 348 40 96 351 cina en dedolönesc, 10 de ma.

Passionsspiele Lana: A Lana vëgnel rapresenté la Pasciun de Gejú Crist sön paladina 14 iadi dai 4 ai 21 de ma. Informaziuns www.passionsspiele.it

Invit ala preparaziun dl bato, en sabeda (06/05) - ciarede tl'ultima plata

SAN MARTIN

Al vëgn chirí zacai che ess ligrëza da surantó la Schira Jonila da San Martin por ti pité a mitans y mituns de beles ores en compagnia.

Interessá pó ion contaté Sara: 334 15 41 471 -----

Baratada di ciüfs, pelzes y somënzes le mercui, ai 10 de ma, dales 20.00 tl salf di stödafüch a San Martin. Sigrid Thaler Rizzoli tignará n referat sura "Die Kraft der Kräuter für die Hausapotheke und Küche mit Rezeptvorschlägen". Al vëgn ince splighé co adoré i ciüfs y les pelzes portades en ca sëra. Düc é bel invíá.

Curs da fá pan te ciasa en sabeda, ai 13 de ma, dales 14.00 ales 18.00 cun Martina Irsara da Prettau tla ciasadafüch dla scora da Lungiarü. Se prenoté präibel cina ai 8 de ma pro Rita 333 23 64 824, al plü 15 porsones.

Döt le bun a chi che complësc i agn de ma

a San Martin



Emma Costabiei che nen complësc 86 al 1
Nina Rubatscher Tolpeit che nen complësc 93 al 1
Zita Prada Planatscher che nen complësc 88 ai 5
Pio Baldissera che nen complësc 94 ai 8
Clara Tavella Videsott che nen complësc 81 ai 9
Sefl Prousch che nen complësc 85 ai 23
Milia Comploi Rives che nen complësc 81 ai 24
Paul Zingerle (Tor) che nen complësc 80 ai 31



unitepastorala.org

Plata dles Ploanies San Martin y Lungiarü



ploan siur Klaus Sottsas 344 15 54 055 - ksottsas@rolmail.net
curat siur Heinrich Perathoner 339 65 74 213
daziun: anton.gasser@rolmail.net - 348 27 44 517 / 0474 523 194

30.04. - 07.05.23 n. 23

ultimo termo por comunicaziuns: jöbia, dales 20.00

4ª DOMÈNIA DE PASCA

Vangele do Jan 10.1-10

Te chël tëmp à Gejú dit: Amen, amen, i ves diji: Chël che va te tamà nia da üsc ite, mo da n'atra pert ite, chël é n lere y n loter. Chël che va indere da üsc ite é le famëi dles bisces. Le portinà ti deura y les bisces ascuta süa usc; al chërda les bisces che é sües, vignöna por so inom y les condüj fora. Do ch'al à parè fora dötës sües bisces, ti val danfora, y les bisces ti va do; deache ares conësc süa usc. A n forest ne ti jaràres nia do, mo ares sciamparà da d'ël, cioèiche ares ne conësc nia la usc dl forest. Gejú ti à cunté chësta parabola; mo ai ne capî nia le significat de cí ch'al ti à dit. Gejú ti à dit inant: Amen, amen, i ves diji:

Iö sun l'üsc da i ji pormez ales bisces.
Düc chi che é gnüs dan mè ê leri y lotri;
mo les bisces ne i à nia ascute sò. Iö sun l'üsc; chël che passa da mè ite gnará salvè;
al jarà ite y fora y ciafarà pastöra. Le lere vëgn mà a d'arobè, a copè y a desfà;
iö sun gnü, por che ares ais la vita y che ares l'ais en abbondanza.



Le confrunt de Gejú cun le bun famëi n'é incö por tröc nia plü sauri da capí, mo te chësc ejëmpl vedl dl bun famëi ciafunse na forza demorvëia, porchël orunse le perié:

*Oh Gejú, bun famëi,
tö nes conësces damí y plü sot co ch'i se conesciun nos instësc.
I te periun, ciara de nos y acompagnëiesse por düc i trus de nosta vita.
No lascé ch'i suraldiunse túa usc y dëidesse da te fá conesciü a chi che chir y damana y aspeta do na risposta. Amen.*

EDEMA - ANN "A"	SAN MARTIN	LUNGIARÜ
30.04.23 4ª DOMÈNIA DE PASCA <i>De mondial de oraziun por vocaziuns</i> 14.00: Prozesciun por vocaziuns da San Linert sò Oies	8.45 Prozesciun de San Florian a Picolin 9.30 Gran Mëssa dla Comunité en onur de San Florian cun y por i Stödafüch + Erwin Rungger (dl ann) + + Sepl y Regina Clement (dl ann) + Pasquale Schuen	7.50 Corona 8.15 Gran Mëssa dla Comunité en onur de San Florian cun y por i Stödafüch Benedisciun di auti y dles mascins 13.00 Bato de - Damian Clara de Arthur y Verena - Emmy Clara de Hubert y Ester
01.05.23 Lönesc <i>Sant Ojöp Laurant</i>		
02.05.23 Dedolönesc <i>Atanase, Sigismund</i>	19.00 Mëssa + + Carlo Clement y Aristidé Brivio (dl ann) + Carlo Miribung, La Val + Sepl Trebo, Pension Tor	
03.05.23 Dedemesaledema <i>Iaco y Filip, apostui</i>		7.30 Mëssa + Davide Daporta + + Agostin y Maria Daporta + Sepl Clara, Sanví
04.05.23 Jöbia <i>Florian, Guido, Valeria</i>		
05.05.23 Pröm vëndres <i>Iuta, Sigrid, Max</i>	Domisdé: Provijiun di amará 18.30 Adoraziun chîta 19.00 Mëssa + Amalia Zingerle Clement + Franz Bioc	7.00 Adoraziun 7.30 Mëssa por fam. de Albert Dapoz + Gottfried Dapoz dl ann + Emilia Frenes + Vinzenz Clara, postin Danmisdé: Provijiun di amará
06.05.23 Sabeda <i>Gundula, Antonia</i>	18.30 Mëssa prefestia + + Franz y Maria Chizzali + Teresa Pedevilla Flöss + Nando y Hannele Flöss + Tone Tölpeit (dl ann)	7.30 Mëssa + Davide Daporta + + Agostin y Maria Daporta + Sepl Clara, Sanví
07.05.23 5ª DOMÈNIA DE PASCA	Festa dla Pröma Comuniun 9.30 Ingres dala scora demez Mëssa da festa por i neocomunicanc	7.50 Corona 8.15 Gran Mëssa dla Comunité al cianta le Cor „Mosaic“



Signur,
 fá che le mal tl monn devëntes manco
 y che le bëgn devëntes cotan plü sterch.
 Fá che la ria löna se desfantes
 y che la ligrëza se desleries fora.
 Fá ch'i piunse do
 y sunse bugn da dé inant
 y da ester de aiüt un por l'ater.
 Fá che les incompenjiuns se röies
 y che i spauris ciafes indô ardimënt.
 Fá che i amará ciafes confort
 y chi che mör túa misericordia.
 Fá ch'i partiunse cun i arfamá
 y ne se salvunse nia ma a nos nosc davagn.
 Fá ch'i ciarunse de túa natöra
 che chi do da nos ciafes ince ciamó pastöra.
 Fá regné la pesc danter la jënt
 pesc tl cör - y sura döta la tera.